

113年度校友總會優秀獎學金頒獎



獲獎學生感言

台灣語文學系 柯O紳

各位老師佢同學逐家平安、逐家好~我是台語系四年仔的柯達紳，頭起先愛真感謝系上的教授願意予我這個機會，嘛真感激校友總會提供這個獎學金。會當佇大學的最後一年提著這個獎心情是不止仔歡喜，感覺有這機會實在是真難得佢感恩。

入來中教大到今已經過四個學期，想袂到遐爾緊大學生活畢業的跔步已經接近矣。我是2022年轉來中教大的，自細漢就有一个想欲做老師的夢想佇咧心內發穎，加上求學的過程當中一直拄著真好的老師，嘛予我閣較相信毋管未來會拄著啥物挑戰，嘛欲繼續行這條路。我想欲透過我的教學予學生的人生紮來一寡仔改變，順繼陪伴in行過世事的無圓滿。所以就算講一開始考大學的時無講真順利，無考著家己滿意的成績，嘛因為彼當陣為著準備學測規個人毋管是內心抑是身體攏已經真忝頭，所以就直接選擇用轉學考的方式，想欲試看覓家己的盡磅佇佢位，毋過予我堅持行到遮的原因，猶原是彼个想欲做老師的夢想。雖然準備考試的生活定定是家己坐踎圖書

館，看著身軀邊的人攏咧迺，彼種心情有淡薄仔悲哀，毋過落尾會當來到心目中的師範學院，已經是真歡喜。

總是拄來這間學校感覺一切攏真生份，毋過我猶是佇這三年的過程當中沓沓仔揣著家己的位，若毋是來臺語系我可能永遠袂去參與矮靈祭；若毋是來遮袂因為愛行媽祖暎佇咧路邊；若毋是來遮我可能袂實際去行踏家己的故鄉。因為臺語系的活動予我有閣較濟機會佻同學交陪，嘛因為行媽祖的時逐家互相扶持，予阮的感情閣較深。毋管是臺語系抑是師培的課程攏予我學著真濟智識，譬喻講寫教案、教學演示，攏對未來成做一位老師真有幫贊，無論是踎討論室佻同學互相激頭腦抑是佇食堂做教具、演示試教到三更暝半，遮攏是心適，無法度放揀的記持。

大學的生活除了讀冊、做報告，嘛真感謝學校佻系上提供濟濟做工的機會，我嘛把握這個機會擔任進修部學分班TA，擔任學分班的助理加真濟機會通佻在職老師跋感情，了解現此時教學現場的狀況，接繼用台語處理大細項代誌，致使我的台語表達能力閣較進步，嘛體會著趁錢的無簡單。

最後欲閣感謝一遍系上的老師，真感激大學的階段，猶原佇拄著一陣頂真閣溫暖的老師，台語系的老師就親像厝內的爸母仝款，對待阮若家己的囡兒序細，因為in認真的教學，我才會當學著遐爾濟物件，看in拚勢的背影，嘛吩咐家己愛骨力拍拚，成做一位佻in相siā ng的老師，向望總有一工，生活佇這片土地的人民、族群，攏會當大聲講出家己的母語。